

懷遠縣志卷之二十六

賜同進士出身安徽鳳陽府懷遠縣知縣孫讓修

良吏傳

漢荀淑字季和潁川潁陰人也荀卿十一世孫也少有高行博學而不好章句多為俗儒所非而州里稱其知人安帝時徵拜郎中滿載遷當塗長懷遠即古當塗也去職還鄉里當世各賢李同李膺等皆師宗之及梁太后臨朝有日食地震之變詔公卿舉賢良方正光祿勳杜喬少府房植舉淑對策譏刺貴倖為大將軍梁冀所忌出補朗陵侯相泣事明理稱為神君頃之弃官歸閑居養志產業每增輒以贍宗族知友年六十七建和三年卒李膺時為尙書自表師喪二縣皆為立祠後漢書荀淑傳

懷遠縣志

卷五

傳良吏

元簾松壽海牙為達魯花赤在官廉謹有政聲府志

梁端泰定間縣令温文爾雅勤慎廉能士民敬憚祀名宦舊縣志

明唐蔚洪武二年任開立縣治撫綏新附建設 文廟及諸衙舍

雖當草創未能盡備而規模定矣舊縣志

楊鏞永樂間知懷遠縣以廉謹自持陞知沂州去任百姓攀留不

能釋祀各宦舊縣志 江南通志

黨質陝西蒲城人宣德九年由貢士任立政寬平有蝗不入境之

異舊縣志

李壽甯昌人天順年由舉人任寬仁愛下修學有功舊縣志

李豫廣東高要人正德七年由歲貢任築城荆山為中都屏蔽又

修學有功舊縣志

傅堯臣字濟唐直隸永清人由舉人任勸強扶弱遇事敢爲舊縣志

徐玠直隸涿州人廉仁有爲百廢具興開民間隙地修學前神路

及建尊經閣各宦祠舊縣志歷陞河南府同知兵部員外祀各宦舊縣志

任俊字先父舊志作父雲南人廉靜愛民歷久不易積穀萬餘遇

荒賑濟民賴以活既去而人懷之祀各宦舊縣志

楊鈞任侯去思碑記曰嘉靖八年己丑夏六月立軒先生任侯

自洪雅學諭遷令懷遠邑滋敝矣民將日流侯於是乎慨焉以

咨於邑之長老乃諸長老以侯虛心下問則亦敷心以陳於侯

乃聰聽而服行之弊日有釐法繇以申政日有易民繇以治是

故弊政易而不苛則民自宜成法申而弗玩則政自脩人玩以

弊侯勅以新刻病民者去而惠政行矣不其治乎越十有二年

懷遠縣志

卷五

傳長吏

癸巳夏四月侯以憂去踰年而民有思焉者矣歷數年而思焉

有太息者矣政積以更弊乘如故流者以失業而思居者以憂

生而思耕者以違時而思訟者以關節而思輸者以措尅而思

牧者以科擾而思役者以勞頓而思以徵賦思者激于歛也以

營建思者困于罰也以水旱思者傷於稼也以賑貸思者阻於

饑也以商販思者危於盜也以歲課思者浮於額也思之不獲

則以咎諸長老曰曷不聞於我司命惠我下民夫孰無任侯之

心者哉諸長老亦太息焉唯唯以謝乃爲稽其所思各系之蹟

而紀諸石曰思昔任侯流亡是謀乃資其業三年不徭鑿井耕

田荒野既闢乃禁里胥催科勿及聽訟折獄惟公惟恕獄平訟

簡民成仰慕兩稅有期一聽於民好義樂輸急公爲心計地牧

馬令比勿租弊於興牧賴公以蘇錢穀出納虛支飾實上下乾  
沒視爲故習公嚴杜之吏胥屏跡庶役繁興民不堪命每歲均  
徭勵精審定舊設民壯百有餘人後增過半以供私門裁革如  
初防禦彌甯妄增弓兵期年一更富以賄免役多貧民悉令還  
農差役以均迎送上官經過鎮市沿途起夫大妨耕織里甲爲  
之各獲其益繕治公所人以爲嫌費措於官民無與焉水旱頻  
仍尤爲惕慮濬治陂塘時其泄聚贖刑有金易爲稻穀常平之  
倉萬有餘斛祈求雨澤夙夜披誠徒跣以禱大沛甘霖邑當渦  
淮帆檣弗絕間隱賊舟時或竊發多置邏卒早暮譏察寇攘以  
息高枕明月公私冗費裁省殆盡歲當覲朝恪遵例禁沒官房  
舟分給居民課有定額三歲一征侯一不取糴穀陳陳倘遇儉

歲給爾饑民侯今旣去民心不忘勒石誌慕有若甘棠侯諱曰  
俊字維先以其號立軒西秦華系時維嘉靖十有八年己亥季  
秋闔邑公鑄

商承學浙江淳安人嘉靖十三年由舉人任清謹有爲行取監察

御史

舊縣志

高天爵直隸交河人嘉靖二十一年以歲貢任敦樸廉約告致而  
去

舊縣志

秋逢慶河南汝陽縣人廉靜有威以憂去復除南宮縣陞南京太  
僕寺正南京戶部郎中祀名宦

舊縣志

陳鈿秋公去思碑記曰公各逢慶號沙坪汝陽縣人少魁河南  
鄉薦嘉靖甲辰秋七月尹懷遠邑介山水間河決則渦流洶湧

交滙于淮故多水患居民物產綿薄無足深恃在昔差派惟邑稱最後法軌放逸非役之役非徵之徵月異而歲不同疾首蹙額轉徙流亡相繼矣公蒞任銳精治理首酌沿革著爲條約繼設木鐸宣布聖諭時其警省又書善惡二牌揭于門之墻廡以昭懲勸剔剗宿弊廉察奸究公循由內達外慄如也吏遵約束非有召不敢輒至堂階折獄惟良枉直一訊立辨獄無留繫內懸一鐘有鬱許囚撞擊幽隱畢達深念里甲科報擾民悉從裁省日用所需出費取給於市無擾徭役均平正額之外初無濫設流民間風擔負來歸荒土益闢歲辦錢穀恐收催失時爲民病各立限責以便輸納約有羨餘融足逋逃取盈之數不欲大戶賑捐偏累邑中連值大水多方存恤豫爲勤懇申請得蒙蠲

免民賴以安每用重刑必令獄卒登記朔望開報因默諭寮案以示慎重意地緣山險舊無墉壑歲苦賊患守護民壯禁私役包占專務練習用戒不虞相度關隘去處添置柵欄警析達旦仍申嚴保甲凡遊惰酗博奸究惑眾者皆有厲禁而兩河多外戶影射雜處懼奪民利且生釁端常加檢括譏察匪彝驅逐出境自是寇攘殘暴屏迹作新文教賢舍門宇規拓改觀力請董學侍御馮公增廣生員凡四十人閭閻嚮風彬彬多文學士矣公政先綱紀廉潔威明摧究植良興禮勸學表正風化尤其大者賢聞懋著遐邇想望風采爲當道器重崇獎絡繹隣郡疑獄不決或勢軋權貴盤錯勢結多命治之剛正之氣不少疑二摧沮據律讞斷彙多平反臺憲交疏薦剡將擬徵用丁未又九月

聞外艱去之日士庶追送哭擁遮道計公在任歷三載民至今思之如一日書曰安民則惠黎民懷之又曰民罔常懷懷於有仁感通之理固其然爾遂爲記以永其思云時嘉靖三十三年多十二月吉

駱驄浙江諸暨人靖嘉二十六年以選貢任心情坦直愛士恤民

與時不合棄官歸

嘉靖縣志

孫維禮山東甯海州人嘉靖三十三年以歲貢任老成練達民鮮怨者告致回籍

嘉靖縣志

何立號小坡河南信陽州人嘉靖四十一年任陞湖廣安陸府同

知致任

嘉靖縣志

王世貞何公云後生祠記曰蓋何公之去懷遠令而承德安郡

也實嘉靖末云公去無何而邑之士民謳思不已則立碑以紀其績从之而其思又不已則相率構祠以祀之方是時何公里居無恙既構祠其士民請於臺使者邵公胡公曰在職而立祠若碑者有禁何令故里居非在職者也徵其所謳思則士人爲詩爲文以章何公者彬如也且曰不腆懷遠蕞爾下邑在者民苦征徭相率而徙去何令至始招徠之稍稍還集恤其隱而補其不足勸課農桑旌勤懲惰額雨雨澍撲蝗蝗滅民室復稍稍實矣粟米力役之征以次辦治而不告困乃新學宮而告其弟子曰是選於民者也又進其縉紳而禮之曰是選於民者也凡崇禮教嚴規條皆所望於諸君子先吾民而風之者也於是化行俗美非復舊觀萑苻猶不時警乎耳令威則銷兵爲耕耒矣

簾金居間者乎耳令廉望車門而却走矣何令之爲懷遠也且五載部使以卓異累上以高第當入備諫察不則亦郎署丞于格少次不當乃何令怡然自如也爲丞未幾飄然致仕歸絕口不名功夫何令不名懷遠功懷遠之士民胡可以不名何令功也於是邵公胡公曰然其捐贖緩資之及邵公任滿而崔爲代會報祠成崔公布書幣使使渡江謂得不佞言以文麗牲之石昭何公於永久余不識何公然嘗識公之及大復公文大復公以行誼風槩稱宏德間其文遂能振六代之衰而成正始何公故少孤當盡讀父書否耶何清惠爾雅之用章章如此也公之子學士洛文太史洛書方修其大父業雅重于朝夫大復公不盡食德而以貽何公何公又不盡食德而以貽二子然則惟有

德者克昌後裔抑惟有德者尸祝兆民持此以示懷遠之士庶於伏臘之日讀之庶幾少慰哉何公各立別號小坡汝之信隰人以鄉進士來邵公各陞胡公各秉性崔公各廷試俱以進士來時萬曆乙卯春二月吉日

林大槐福建莆田縣人持身清約日食止一蔬泣下仁明簡訟寬刑修復陂塘積貯倉粟卒于任無以爲殮萬曆五年營田道史公采士民公論申請祀名宦仍移文莆田祀鄉賢

舊縣志  
江南通志

王之佐號正齋湖廣蘄州人隆慶二年以舉人任居官廉慎升都察院都事戶部郎中

舊縣志

謝教號松巖浙江於潛人隆慶六年任清謹安靜有循吏之風升

忠州知州撫州府同知

舊縣志

鄭際可萬曆十三年由舉人任持身廉謹文地均糧不避勞怨民咸賴之舊縣志

經仁恆廣西全州人萬曆十三年任清謹寬厚士民安之立生祠宇荆山舊縣志

劉功允湖廣黃岡人萬曆十六年任廉明仁恕禮士恤民邑人建生祠于東山舊縣志

劉一鵬萬曆二十四年由舉人任才識精明計慮詳審問斷則寬抑畢伸催徵則侵冒悉禁立交會課生儒清學田惠貧士他如除

窩匪遺積惡發假印之吏奸革回用之習弊積穀數倉賑荒有賴力白袁生之冤申表貞女之節皆其大者也舊縣志

王存敬字明洲河南確山縣人萬曆進士豈弟和易泣事明斷時

懷遠縣志

卷五

傳良吏

值歲歉亟圖撫恤給牛種哺飢民申革飛稅調停夫馬奸勦濇消市壓安業行取監察御史去之日士民泣送者絡繹不絕祀名宦

舊縣志

省志凶荒頻仍亟圖休養墾荒賑饑仁聲播於遐邇

高懿北直隸甯晉人萬曆三十九年以選貢任才識敏練大有明

斷舊縣志

王可舉四川崇慶州人萬曆四十三年以舉人任慈藹平易有古

循吏風舊縣志

張中蘊永嘉人萬曆四十八年以進士任性忼直居官不攜眷屬

一綈袍數年不易歷知鳳陽府江南通志

史諫湖廣安陸人天啟五年由選貢任平易近人士民安之舊縣志

高達湖廣襄陽縣人崇禎七年由選貢任懷爽有才氣不避強禦力除奸民明末流寇入境公于文筆峰設疑兵賊遂遁民賴以安後竟被劾歸復補廣西上林縣康熙丁巳士民追念前功申請入

祀名宦

舊縣志

高令君德政碑記曰襄陽高君治懷越歲是爲崇禎甲戌余不佞以忤時歸□□道近懷之考城聚聚口壽春濠梁要口也余口聚中人□其茆茨短垣雞犬相聞緣滯信宿聚有諸生數輩□□□□致□□而談□□□人風味余諗而訝曰目今秦晉□此地靜正清嚴民安物阜抑何恃邪諸文學曰□□□土不盈尺累歲無年幸天叭人□□襄陽□懷而窮鄉得安堵者僅隔歲且襄陽□□□鄭僑哉余亦曰嘻願聞之文學曰當侯

懷遠縣志

卷五

傳良吏

八

之入境也儼然如賓旭日□既而坐堂皇進父老而問民疾若宛然家人□□里庶私相謂曰君子哉不越浹旬遂乘匹馬而巡行阡陌勞苦補□之艱四境權呼曰疲敝之區何幸得一子產口嗣是時以勤慎教民修廢舉墜擻曹叭下拱手而聽約束無得措一□三尺民有以金矢讞者朝而入哺而退錙□無所費他如甌中守者亡□纖毫民樂輸如額卽隸卒不攝人於野商□筆不□文於廨犴狴亡啣寃於暗外是窮詰天罡畢正叭法而良善叭安修濬城池務工險鑿而堅壁有□卽龔黃口也甚之殪鄉虎而討其乳剪其翼□□□□□□諸人者因復山水之割泐而萬井得以濯炊并疏□以甯是漢卜式牧羊先去其害羊者而已余曰當斯令若茲何



論龔黃卜式哉卽子產復作未知席列誰□復更端進曰諸生  
謏陋不文敢□□世一言刻之于石以爲九鼎□則襄陽庶不  
朽已余曰諸文學之□碑襄陽者□借途人卮言哉無已則述  
以子產之摯惠于鄭者飭焉試考作丘賦鑄刑書赭衣冠伍田  
疇豈不烈然英斷毅然無意者哉至語子太叔有曰日夜思之  
朝夕而行無越思如農有畔又曰有德者能以寬服民其次莫  
如猛太叔寬而□萑苻之澤由此觀之子產非以惠愛徇人蓋  
備猛行寬必如火炎而人畏之所傷者少水漫而人玩之溺死  
者故多□義正言猛也所以爲衆人之口也而孟軻氏曰惠而  
不知爲政豈知僑者哉知僑則知襄陽矣是爲記高令君襄陽  
人也諱達崇禎九年丙子深秋吉日無撰  
人名

懷遠縣志 卷五

陳邦翰湖廣澧州人崇禎九年由選貢任慈祥平易以流寇焚燬  
黑窰公物降職歸民建祠祀之今與何立潘登貴合爲三侯祠舊府志

莊祖誼成都人崇禎十五年任甫下車卽設計擒崔乾兩劇賊以

卓異聞江南通志

舊縣志云莊祖誼四川成都人崇禎十五年由選貢補任時崔  
乾兩大土賊各樹黨羽假寓邑中凶狡叵測公不動聲色設計  
擒之民賴以安以卓異題授江防同知尋陞河南按察司副使  
分守鳳泗土民建生祠以祀之

國朝潘登貴字天章四川嘉定州人順治二年以進士知懷遠縣  
時兵戈甫定民氣未復登貴寬和鎮靜一以噢咻爲治境內安之

江南通志

舊縣志

傳鎮國順治六年由選貢任初承積衰之後大加振刷如走遞則馬歸官養錢糧則里收吏解招流移除鋌棍重學校誅响賊禁封船嚴越訴美政為多

舊縣志

原合瑾陝西蒲城人順治十八年由舉人任寬仁有惠政惜未久

而去合邑泣送者不絕于道

舊縣志

于鴻漸四川營山人康熙十年由舉人任和易清廉邑民歡戴

舊縣志

馬汝驩旗人康熙十八年由例貢任才幹精敏能應煩劇懷邑自明末兵燹之後田地荒蕪經界不清豪強兼并以致有糧無地地少糧多逐年積欠官民受累汝驩詳上憲力為丈量荒熟無遺編

懷遠縣志

卷三

傳賢良吏

十

號造冊現存庫樓至今有爭訟者猶曰馬老爺清丈冊可致也

舊縣志

志

黃啓祚湖廣應城人康熙二十八年由舉人任革里役行小單民

便之

舊縣志

林逢濟福建晉江人康熙三十六年由舉人任發奸除惡合邑快心能文造士多所成就焉

舊縣志

許明儒直隸漆水人康熙四十六年由監生任撫字勞而催科拙落職戍廣西南甯府南甯衛就道之日合邑士民攀轅泣送餽贐數百金公舉縣人楊麗洲等送至戍所並乞明經楊敷書致永淳令凌森美時加郵濟焉楊以善書名至今凌氏藏其手跡猶存

舊縣志云康熙四十八年奇荒撫郵平糶民亦賴之

劉鑑雲南楚雄人康熙五十五年由舉人任清正自持愛民教士實心舉行恤災傷設義學每朔望次日集諸生課文具酒饌親操月旦三年如一日解組歸里士民歌思建碑學宮以誌不朽舊縣志唐暄號晴溪廣西全州人康熙五十九年由舉人知懷遠縣縣志自明萬曆中成書更百餘年至暄始重修爲八卷及今又百年雖放失彌多而得此以爲質網羅舊聞而增輯焉暄之功也又嘗修學宮建渦口浮橋暄自稱其宰邑曰縱有興革不過順民情行所無事而已嘗書二語於堂前楹以自警云誰謂民愚毀譽尙存三代直自知已拙先勞莫放一時間亦可想見其概

李佺占鰲塔記曰懷邑爲山水隩區其望塗山禹朝諸侯之地也其瀆淮水百川之所匯也土曠而瘠瀕河復苦泛溢賢司牧

加意拊循始得安堵而一遇歲稔哀鴻屢告益穀旣富之民易而哺饑餓之民難也我懷邑侯唐公自庚子歲來蒞吾邑清映玉壺春回黍谷凡惠農緩征興學造士諸善政無不次第舉矣壬寅春荒民乏食公怒如調饑不遑假寐一日與邑之紳士聚於梓潼閣公憑欄遠眺指而示之曰各山大川四望森列一邑之鉅觀也但水駛而不留山峙而不顧亦形勢之不足也今渦淮合流而下中央突起一洲以當水口余欲建塔於其上攬結兩山之秀氣控引一派之清流且多植脩林茂樹映帶環拱則山川之形勢方盤結而完固此一邑之利也顧工費繁多非一人能濟若乘此民阻饑之時合願協力以興工役眾則民之餬口有資亦拯饑之一策君也諸君其有意乎紳士僉曰是公之

免吾民于溝壑也是公之莫安吾邑惠我無疆也凡在宇下咸拜公賜孰不踴躍從命公于是大捐俸以爲之倡好義者皆樂輸貲爲助公測景相土築址於洲上掘地二丈有奇土堅而基厚饑民爭來受役計口而哺計日而餼日果腹者數百人待舉火者數十家公託其事於余與明經楊君敷太學崔君正虬庠友楊君翼聖魏君俊劉君珮江君紹崔君鉞同襄厥事經始於壬寅春三月朔三日越次年八月而塔成階升七級臨水面山作砥柱於中流本救荒之善政豈直一時之澤一世之利已哉語曰山高蔭廣河濶潤長公與之同不朽矣邑之人士頌公之德弗諼爰鑄之石以垂來禩公各擅號晴溪廣西桂林府全州人康熙己卯科鄉進士

張國綱字振之漢軍由舉人授懷遠令以廉稱尤精於聽斷蒞任數載未窺一民乾隆七年歲大饑國綱按名給糧以實心行實政積弊一清父老至今德之孔傳樞山東曲阜人也乾隆元年舉賢良方正十一年授懷遠令嘗慨然曰讀萬卷而不能行一事拜謁先人恥莫大焉培養士氣興利農業持大體不以苛察爲能縣南木欒泉自洛河山北麓流入灌凌塘分注郭坡塘以資灌溉久圯傳樞相度形勢壅者開之自馬頭城南至滾水壩起水門提閘凡十有二而復作均水約束民食其利而不爭縣北清溝河由淝入淮自抹河口塞清溝漲九溝十湖皆泛濫民被災尤甚前明確山王公濬之於始至傳樞而功克竣又修學宮捐廉俸作書院延方太史簡爲師由是高第弟子推一時之彥長清令李佺鄉賢舉爲

世楷復教儒童陳禮器習樂舞皆如缺里志前此泮宮未有也解組時乾隆一五年矣民立祠以祀其像於城隍廟之右

凌燾孔公生祠去思碑記曰昔史稱何武爲太守所居無赫赫名去後見思嗟乎所居見稱或近於諛若去後之思洵乎直道在人心已雖然所謂無赫赫各者豈謂守位謹常旅進旅退云爾哉無亦以不矯情不釣譽至若惠政在民浹人肺腑則居與去一也我孔大父臺爲至聖先師六十八代孫克稱象賢少遊庠孝廉方正褒然爲舉首旋判廣德攝壽牧宰五河仁政種種督撫交章薦剡謂懷尤疲難非公不可

帝曰俞遂遷懷令時懷自丙子以來高堰堅築罹水患者數十載凋瘵之餘鳩鵲堪憐民風日偷士氣不振公下車慨然以振興

爲已任請蠲請賑歲歲皆然且親職其勞不令胥吏中飽復勸設勉敬書院延本邑太史敬思方公暨泰州孝廉宜平唐公爲多士表率士林彬彬郁郁雅雅魚魚卽他邑諸生咸慕其化靡糧而至者不計其數往往掇巍科

爲一時知名士且時招諸生於署頻行月課手定甲乙示以敦品之要上達之階岌然於禮園書圃斯文之盛洵前此所未有也先是文廟傾頹幾歎茂草公親捐俸葺而新之諸紳士皆踴躍爭先贊成盛舉公率諸生釋奠畢輒詣明倫堂講習禮儀觀者見其薨宇煥然典禮肅然迢迢宛然進退雍然咸嘖嘖稱羨不置公之化民也先禮而後刑不以聽訟矜能而老吏歎爲不如其情旣得則必爲之反覆開導雖趨悍虓豁者多歎息泣

下相戒不出公門無茂陵陽陵之習時或靈雨旣零輒乘肩輿  
違來桑田親行勸課蒼生日有起色懷向多盜自公蒞任寬猛  
互用萑苻之奸漸知斂迹其有耆年碩德者每造廬訪焉鄉人  
驚嘆以爲盛事其餘德政更僕難終父老能言之勿庸贅也無  
何大吏嘉之請調清河懷之士民借寇無從拔轅祖道者拮裳  
連襪數百里絡繹不絕或往清河而觀化焉聞其至清也值

聖主南巡

鑾輿迅速供億不及幾罹參罰懷人憂之未幾

上復霽容擢爲江防司馬體同郡守例得晉階觀察竝見位愈尊  
澤愈溥公天下之公非獨懷邑之公也而懷之人食德四載尤  
戴之深思之至愈久而愈不忘不得已爲之生祠建長生位其

懷遠縣志

卷三

傳良吏

十四

中以申朝夕瞻依之忱焉是役也遠近畢集不約而同嗟乎阜  
鄉之寫難留南國之棠苑在覩斯祠也其如見公平懷之人紛  
然來請爰述其意而爲之記公各傳檀山東曲阜人時乾隆年  
月日

予養江西等處提刑按察使司按察使前御史巡視北城巡按直  
隸定遠凌燾撰

費昭浙江人舉人嚴治詐誣無留獄是時光棍呂爾誠尤橫昭執  
法而民以安

余模湖南沅陵人選拔貢生乾隆二十一年至三十五年兩知懷  
遠縣事明於治法聽斷具得情僞胥吏肅然改事之興墜舉廢戢  
暴安良前後八年士民愛戴之如一日始建公館於上窻民便之

泐碑頌其德以捕蝗勤甲一省受特達之

知升隸州府知府去

周洵字小蘇江蘇太倉州人由舉人選宣城學博擢五河令高相國首知洵治邑有聲檔案精熟而尤長於摺奏每令主稿皆慎密妥協大奇之曰洵學識絕倫而又矜平躁釋非百里才也乾隆三十九年五月署懷遠縣事是時案牘塵積蠹役姦民肆爲欺陷洵未到任訪得蠹役詐山西客贓蒞任日首嚴胥役百弊頓消縣多訟師以刀筆爲恒業欺壓懽愚有三人者名尤不復百計掩飾委曲數百言一似柔懦重被屈者洵使縱言益辯頃之洵曰言盡乎某曰盡矣洵曰許余一言乎某曰謹受命洵曰先責汝二十汝服乎某猶欲辨洵曰汝欲借周姓樹訟師招牌今碎汝訟

師招牌三訟師皆竄健訟之風以革有無名男子被毆死於岫河北王文俊地越日始知死者爲太平集周洪離家十四里洵閱呈先問屍親曰有讐乎曰無曰有常相往來者乎曰有洪妻叔段有福是也及驗洵傳問有福神色改常洵疑之卽訊其姪詳悉吐實未用刑而得其情眾稱爲神民王祥死小腹青有峻屍親王羅氏者曰某也富誣以踢傷甚肖且年老婦人復何所畏王羅氏遂控諸官洵曰汝家有何人曰有姪羅升洵卽傳訊曰非汝羅升老婦人何能告狀當夾訊升伏峻訟洵究峻訟之意何欲升曰爲姑老覓棺材價耳洵曰王祥以陰寒症死某何尤據實詳上批結是歲秋旱洵買粟四千石平糶濟民其採買光州者則宮蘭臺也洵日坐堂皇不留獄縱民觀之聽訟務得其真常至達旦課勸農桑勤

而不倦十二月洵升直隸通判去卸事後邑民涕泣送以衣繖不受紳士皆奉酒醴以饑宮中丞兆麟方歸田於洵之行也取聖泉水貯玉壺成冰以贈之

雷元福四川重慶府長壽縣人乾隆五十年十二月授懷遠縣明年大水自是大水三年斗米千錢餘民乏食餓殍載道元福詳請賑濟躬親勸輸分賑粥民賴全活者甚眾

呂榮字幼心江蘇陽湖人由舉人大挑一等以知縣分發安徽嘉慶五年春署懷遠事年饑刀手盜孫玉林等劫奪于鄉廬鳳道珠公伊庭捕得玉林餘黨猶盛榮甫到官受印廳事中卽飭胥役捕其渠魁三人指以蹤跡坐而待三刻而獲觀者驚爲神明盜眾立解散捕逐月餘四境安堵又善發伏擿姦某邨者竊盜藪也跡

甚祕莫能發榮以夜往徧叩其門呼曰有竊盜事連若屬知縣愛若屬不忍胥隸之求索若也故自來若信盜乎皆應曰否請索諸家曰若信非盜明當來縣質其誣何索爲不來則信盜矣必大索皆應曰諾平旦皆來則使人往索其家盡獲賊于窳中盜藪廓然某鄉人死于池榮驗之乃縊而棄諸水者莫知其由前一夕有見是人行沽於市質之賣酒家曰故識其壺出其酒值十四錢文皆順治康熙榮曰是矣惟兒女子多好畜是錢是當以姦故密訊死者妻知其夫故有所私遂之其家少婦應門室中几列瓦壺卽賣酒人所識窮詰之則以娟姦故爲此婦醉而縊殺之其繩猶在牖間云榮雖善聽訟顧嘗以德化人有聽後妻言訴其前妻子不孝者榮婉言諭之父子兄弟感服去有殺人者當坐其兄弟爭承之



不得嘗行淮濱有漁人迎拜曰民故刀手也始愚昧幾亡身官來乃知悔改業爲良民能自活皆官之賜因泣下蓋榮之治刀手盜賊皆靜以偵之威以攝之慈以化之多所省釋使自新且無激變聽訟隨聽隨決無歧無滯每虛已使盡其辭得閒則折之因推誠曉諭無不服者馭胥吏嚴而有法嘉慶六年春大饑榮率縣之紳士林中杭劉天行輸錢賑粥分男女二廠區畫井然事集而民不擾有飛蝗過境不爲害是年夏調署桐城縣事去

沙琛雲南太和人嘉慶六年由舉人知懷遠縣八年去十一年署霍邱以重獄承審不實落職發往軍臺効力懷遠懷甯建德霍邱士民皆呈請巡撫願爲琛輸銀贖免縣人檢討孫素等呈畧曰懷邑地接淮淝歲多淩漲淹禾漂麥十室九空飛雁哀鴻天涯地角

惟嘉慶之六年沙令涖任伊始日抱難安之隱憐茲無告之民溥置衢尊廣捐佛米倡素封以樂善搗丹藥以起疴元氣初培人心胥悅言旋言歸復我邦族者蓋不下萬餘戶矣過之可原者一也歲行在戌宿匪縱橫沙令捐俸招募義勇訓練馳驅保完安集當倥偬戎馬之時路不拾遺市不易肆藉非培養深厚能如是乎旣乃伐李晟之竹盜無藏身運虞詡之斤根鮮錯節是以各屬有流離之苦而是邑無鋒鏑之驚過之可原者二也且三楚多剽勁之風而平阿實萑苻之藪沙令手殲渠魁誠開良善恤緯而鼠何穿屋讓耕而牛豈蹊田鄉置儒師月朔則躬臨講貫家知絃誦春深而人獻芹藝視彼以鳳易鷓賣刀買犢有過之無不及焉過之可原者三也况夫敦崇儒術培植士風定甲乙以程文教詩書以毓

秀榷楠杞梓頗多有造之才翡翠珊瑚亦屬大成之器凡此菁莪  
茂育實由教養兼該過之可原者四也若乃椿萱年暮桑梓途遙  
子厚遠遷誰堪負米少游被謫莫咏循陔萬里藍關一雙白髮在  
翼麟庇鳳之廷尤當聞而心惻也過之可原者五也伏冀俯順輿  
情仰邀慈鑒下以慰愚夫婦孺慕之忱上以廣

聖天子作人之化巡撫初公彭齡以

聞奉

上諭初彭齡奏據懷遠懷甯建德霍邱四縣士民先後籲懇代參  
令沙琛繳銀贖罪初彭齡細訪該參令所莅任各邑均著有循聲  
應否準予贖罪據實奏聞一摺沙琛前因署霍邱縣任內於逆倫  
重案未能審出實情問以軍臺効力本罪所應得茲初彭齡奏懷  
遠等四縣士民均呈懇捐銀代贖可見該參令所到之處俱有惠

政及民故獲罪後猶願代爲贖罪但其平日居官既好此次獲罪  
之由祇係承審不實尙非私罪竟可免其納鍰所有該士民等情  
願措繳銀兩如尙未交納卽論令停止若已完繳著卽發還所有  
參令沙琛着加恩免其發往軍臺効力伊雙親俱已年老著該撫  
卽飭令回籍侍養以示朕孝治推恩之至意欽此

右知縣

明王所直隸南樂人歲貢在任清謹不久致仕

舊縣志

江一鯉山東卽墨人由歲貢任持心平實催科不擾在任未久以

憂去

舊縣志

許武成福建詔安人由知印任屢奉縣委修理水利著績

舊縣志

詹允吉福建人有吏才後升四川隆武縣知縣

舊縣志

右縣丞

明戴珩儀封人歲貢任性率真與知縣林大槐不相能及林卒無眷屬珩入其室視惟敝衣數襲行李無長物遂大哭傾囊助其喪及珩去任僅圖書數卷人以是多焉舊縣志

黃傑浙江餘姚人由知印任清慎有才幹升江甯縣主簿舊縣志

方崇德浙江淳安人由恩貢任蒞官克慎遇下有恩開墾催科卓有成績舊縣志

范金山西絳州人監生治農攝捕人稱勤慎舊縣志

右主簿

明王景字景彰浙江松陽人洪武三年任懷遠教諭開建學校自景始經學才行師表一時後擢山東布政司右參政坐事謫雲南

懷遠縣志

卷三

傳良吏

十九

召還豫修洪武實錄為翰林院侍講永樂初陞學士有文集行於

世舊縣志

程昭永樂間任矩範端嚴教有成績召為兵科給事中舊縣志

許信成都人成化間由舉人任為教九載始終不倦凡諸生禮餽

一毫不受舊縣志

王軾字敬甫廣東揭揚人由舉人任善教不輟務端矩範凡諸生

贊儀以義辭之教雖在寬執禮自嚴人亦以嚴見憚陞蕪湖知縣

與時不合引歸祀各宦舊縣志

羅尙綱福建莆田人由舉人任邵贄勤教恩義兼至陞泗州知州

舊縣志

吳越字宗禹浙江鄞縣人歲貢廉靜有古君子風升王官致仕舊縣志

志

劉良材浙江平湖人歲貢持心平易立教嚴勤舊縣志

郭鉞江西安義人舉人經義貫通講授不怠升廣東海康知縣舊縣志

姜自馨廣西馴象衛人舉人持身廉約升廣東普甯知縣舊縣志

彭鳳鳴山西大同府人歲貢由訓導升任院獎有志行敦篤學識

老成等語舊縣志

朱日燦崑山人舉人任廉靜和易甄獎士類升北京國子監博士

歷任工部郎中舊縣志

左君顓江西太和人由歲貢任方正不阿學宮多所修建尊經祠

下有去思碑舊縣志

懷遠縣志

卷五

傳良吏

二十一

國朝滕凌雲崑山人選貢待士有禮講課不懶升陝西甘泉知縣

致仕舊縣志

右教

明王應士甯陽人正身率士談藝精確以憂去舊縣志

施乾浙江桐鄉人由歲貢任懷遠訓導溫文寬簡待士恩禮兼至

陞濮州學正子爾志生于懷遠官舍成萬歷壬辰進士舊縣志

葉良驥金華人歲貢性情坦直有教無隱升周府教授舊縣志

楊士登冀州人歲貢清苦自守卒於任舊縣志

陸天象歙縣人行修學博課訓勤敏升黃巖教諭舊縣志

方杭浙江桐廬人由歲貢任忠信不欺士心悅服陞建德教諭舊縣志

志

李用良蕪湖人歲貢任苦心績學雅志清修升平陰教諭蕪縣志

王之臣直隸柏鄉人由歲貢任先任德州訓導丁憂復除本學後

陞王官質行閣修堪為後學矜式蕪縣志

繆心得固始人忠誠和易士論歸之蕪縣志

國朝余濤飛歙縣人歲貢博通經史勤於課士後升丹徒教諭卒

於任葬懷遠淮河東蕪縣志

汪公澍礪山人歲貢賦性古質長於詩文待士浹洽卒於任蕪縣志

呂彩字江花號雙槁東萊先生之裔乾隆戊申領順天鄉薦嘉慶

癸亥授懷遠學博任召諸生勤考課士皆從風親附增置禮器修

補廢墜每遇上丁釋奠延諸生講求典禮致極誠懇公餘課生徒

親啓迪所成就甚眾貧士或不備修脯以筐筥載園蔬遺彩彩益

懷遠縣志

卷三

傳賢良吏

一一一

喜迨彩去之年從受業者數十百人焉每訂正文字必宗先正愜

名理不苟下一字遇有疑義必詢所出乃加評定性豪爽意度灑

然絕遠塵俗喜作八分書案頭常置古名人篆隸摩挲忘倦每召

諸生聚飲縱談古今事極情歡笑而儼恪之神弗稍弛也數與諸

生言為己之學人問曰何謂為己彩曰無所為而為之者為己也

董子曰正其誼不謀其利明其道不計其功古之學者知道之無

窮也故理愈實則心愈空志愈高則氣愈下曰古之學者進取之

功可得聞乎曰不損則益不虧則補熟操其所得慎審其所為而

已矣毋急于名急名則心危毋放于言放言終有悔既危且悔不

可救也曰古之學者何鑒何脩曰即心即鑒無不明也無不照也

仁義禮智欲之則至惟心之謂也義利之防敬肆之辨心自知之

患不省耳又曰心者百體之主凡人所爲詩文字畫皆根於心故辨其雅俗可以見其心矣在懷六年所培養甚眾

右訓導

明黃得功號虎山閩原衛人由經畧親軍累功至遊擊崇禎時累遷副總兵加太子太師署總兵銜十四年以總兵與王憲分護鳳陽泗州陵駐定遠屢敗張獻忠十五年移鎮廬州十七年封靖南伯

懷遠故老相傳云是時得功剿逐流寇駐兵於上窰山北民衆恃以安堵今其地尙各黃伯營

福王立江南進封侯旋命與劉良佐劉澤清高傑爲四鎮得功鎮儀真明年詔與劉良佐守邳徐旋移鎮廬州左良玉東下命得功

禦之駐師荻港

大清兵渡江得功收兵屯蕪湖福王潛入其營得功奉以迎敵劉良佐歸命招之降得功怒叱之飛矢中其喉得功知不可爲拔箭刺吭死川雄遂挾福王降

節錄明史

右武職

童生王文杰校字

補遺

徐文烈紹興人嘉慶七年補龍亢主簿在任十二年有廉平聲律已甚謹持家甚儉遇人恂恂然而其治市井無賴及草竊者不苛而嚴盜賊屏跡嘗以卓薦代理鳳陽縣事歸而謂人曰吾任事兩月餘如日負千金之重而登峻嶺也如黑夜航海但聞波濤之聲而茫乎不知其所之比謝事乃如負重者得息航海者見岸今而後但願守吾之貧且賤者以終焉而已其恬澹知止如此沒於任貧不能歸今妻子猶僑籍焉

右主簿

張岫字圖峯乾隆庚辰科舉人文彩精贍從遊弟子多取高第任教諭十五年以截取知縣去人士至今思之

懷遠縣志

卷三

傳良

一一三

孫起嶸字浴泉桐城縣人乾隆己酉科舉人品望清峻而不立巖岸與子言依于孝與弟言依于恭爲人排解紛難常不動聲色而使之自化往往陰受其賜而不知子世昌嘉慶壬戌進士官御史起嶸以迎養去

右教諭